

Pol ndê bapia tẽn lau Galasia-nga

Yom whê bapia dindéc sa-nga

Aposel Pol to bapia dindéc tẽn lau sêkên whin-nga nañ sêmbo gameñ Galesia-nga. Muñ-nga inñ dau kêsêlên tòm malac ma hoc ñawaê ñayham asê tẽn lau Galesia-nga, dec lau sic hu sêkên whin Yisu (Apo 13:14-14:23).

Tinambu lau Israel-nga ñatô sêhóc asê gôlôwac dabun Galesia-nga, ma sênşôn lau sêkên whin Yisu-nga si gauc pi lên sêti lau gitên yêc Anötö anğô-nga. Nac lau nañ sêsap lau Israel-nga si sakin akwa dôn, ma sêkac lau Galesia-nga bu sênkuc pwac sêsê laungac si ñamlic ñatô su-nga, ma sêsóc Moses ndê yomsu hoñ ñapu. Nac sêsôm bu lau sêkên whin Yisu-nga nañ lau Israel dom, nañ bu sêkôm bocdinañ dom, dec oc tòm dom bu Anötö kôc ñac sa me lic ñac bu lau gitên. Ma lau dau sêpu Pol ma sêsôm bu inñ aposel ñandô dom, ñahu bu inñ kac lau gameñ apa-nga bu sênkuc Israel si sakin akwa dom.

Tu dinañ-nga Pol to bapia dindéc tu bu whê dau sa bu inñ aposel ñandô, nañ Yisu Kilisi lu Anötö sênşalin inñ sa (1:1), ma gêm mêtê tòm Yisu dau hoc asê tẽn inñ (1:12). Ma inñ bu puc lau sêkên whin-nga dôn bu sêsóc lau tasan dinañ si yom ñapu dom. Inñ sôm bu ñawaê ñayham tigen inñ yom ñandô, ma ñawaê dau tóc asê tiawê bu lau sêti lau gitên tu ñac si sêkên whin-nga, ma tu

sêṅkuc yomsu-nga lec dom. Yêc lôcwha 5 - 6 in to yom ṅatô tu bu puc lau dôn bu sêkêṅ whin ṅaṅga, sêsap mêtê atac whin-nga dôn, ma sêpin dau dôn ṅapep. Lau naṅ ṅalau Dabuṅ gêm gôlin ṅac, naṅ oc sêhu mêtê sac sin, ma sêkôm mêtê ṅayham eṅ (5:16-26).

Pol ndê yom ṅamata-nga

¹⁻² Aö Pol, ma asidôwai naṅ sêmbo sêwhin aö, ato bapia dindec têtṅ Kilisi ndê gôlôwac dabuṅ hoṅ yêc gameṅ Galesia-nga. Aö gati ṅapotel magoc ṅamalac daṅ kêyalin aö sa, me lau toṅ daṅ sêṅkin aö bu wati aposel dom. Mba. Yisu Kilisi lu in Damba Anötö naṅ uṅ in sa akêṅ lau batê-nga, naṅ dec sêṅyalin aö sa ti sêṅkin aö. ³ Mwasin ti yom malô têtṅ mac akêṅ yac neṅ Damaṅ Anötö lu Pômdau Yisu Kilisi. ⁴ Yisu kêṅ dau mbac ndu tu yac neṅ sac-nga, bu êṅgaho yac su yêc mêtê sac naṅ gêm nom dindec ahuc. Lêṅ dau Damaṅ Anötö gauc gêm tidôn ma tac whin bu Yisu kôm ṅandô sa. ⁵ Bocdinaṅ datoc Anötö ndê waê sa tôm têm sambob dandic ṅawaê. Yomandô!

Pol kêṅ puc lau bu sêṅkuc ṅawaê ṅayham tigeṅ

⁶ Tu Kilisi-nga dec Anötö kêmwasiṅ mac, ma kêgalêm mac sa ati in ndê lau. Magoc ṅagahô eṅ, mac ahu in ti ṅawaê ṅayham naṅ aposel sem, naṅ sin, ma aṅkuc yom wakuc. Mac nem lêṅ dinaṅ kôm aö gahêdaêṅ. ⁷ Yom naṅ mac aṅkuc, naṅ yom ṅandô dom. Mboe lau ṅatô sêṅsôṅ mac nem gauc ma sêṅsahê bu sêṅsôṅ ṅawaê ṅayham

pi Kilisi whiņ. ⁸ Anġô su naņ! Yac daun me aņela undambê-ņga daņ, me asa bu têņ mac meņ ma nem mêtê wakuc, naņ so mêtê naņ muņ-ņga yac ahoc asê têņ mac, naņ oc tap Anötö ndê atac ηandê sa. ⁹ Aêc! Yac asôm su, ma aö wasôm tiyham. Asa naņ bu hoc mêtê asê têņ mac naņ so yac lau aposel mba mêtê naņ mac akôc sa su, naņ oc tap Anötö ndê atac ηandê sa.

¹⁰ Mac gauc gêm sake? Aö gato yom dindec tu bu lau sêlic aö ηayham ma sêmpin aö-ņga, me tu bu Anötö lic aö ηayham-ņga? Anġô! Aö bu wakôm tu ηamalac-ņga, dec aö Kilisi ndê ηgac akiņ dom.

Pol whê sa bu in Anötö ndê aposel ηandô

¹¹ O asidôwai, aö bu wawhê sa têņ mac bu mêtê naņ gahoc asê têņ mac, naņ ηamalac si yom dom. ¹² Bu ηamalac daņ kên têņ aö me kêdôhôn aö dom, magoc Yisu Kilisi hoc asê têņ aö. ¹³⁻¹⁴ Mac anġô aö ηawaê su, dec aņyalê bu muņ-ņga lê aö gam akiņ Anötö kakuc lau Israel-ņga si sakiņ akwa. Aö gasa ηac si lêņ dau gahôc gêlêc ηac si daêsam naņ si yala gitôm aö neņ. Ma gayêm daun su tu waņkuc abañi Israel-ņga si ηagôlin. Ma mac anġô bu aö gakêņ kisa ηaņga têņ Anötö ndê gôlôwac dabuņ naņ sêkêņ whiņ Yisu, ma gakôm bu waseņ ηac su. ¹⁵ Magoc Anötö kêyalin aö sa gwanaņ su, têņ têm aö gambo dinaņ atac ηalôm eņ, ma tu in ndê lêņ êmwasiņ lau-ņga dec kêgalêm aö sa bu wanem akiņ in. Ma tiņambu in gêlic ηayham ¹⁶ bu hoc in ndê Atu Yisu asê têņ aö, tu bu wasôm in ndê ηawaê ηayham asê têņ lau naņ lau Israel

dom. Têñ dinan aö gasôm yom gawhiñ lau ñatô dom. ¹⁷ Ma aö gapi Jerusalem bu walic lau nan sêti aposel sêmun aö, nan dom. Mba. Aö gatêñ gameñ Arabia-nga ga, ma tiñambu gambu gatêñ malac Damaskas. ¹⁸ Aö gambo malac dinan yala tö su, goc gapi Jerusalem ga bu walic Pita, ma gambo gawhiñ in tõm bêc 15. ¹⁹ Aö galic Pômdau asi Jems, magoc galic aposel ñatô dom. ²⁰ Aö wasôm yêc Anötö anğô-nga bu yom nan kwahic dec gato, nan yom tasan dom. ²¹ Tiñambu aö gatêñ gameñ Siria ma Silisia-nga ga. ²² Gôlôwac dabun gameñ Judia-nga nan sêkên whiñ Kilisi, nan sêlic aö anğon andô dom. ²³ Magoc sênğô ñawaê pi aö bocdec bu, “Ngac nan mun-nga kên kisa têt yac, kwahic dec kôm gwelen ma gêm mêtê pi lêt dakên whiñ-nga nan mun-nga in kôm bu señ su.” ²⁴ Bocdinan sêmpin Anötö tu in gêm aö kwi-nga.

2

Lau aposel Jerusalem-nga sêkôc Pol sa

¹ Yala 14 giñga su goc gapi Jerusalem ga tiyham, ma gakôc Banabas lu Taitus sêwhiñ aö. ² Anötö dau hoc yom dan asê têt aö ma kac aö, dec gapi Jerusalem ga têt ndoc dinan. Ma ñawaê ñayham nan gahoc asê têt ñlau gameñ apa-nga, nan aö gawhê sa yêc Jerusalem. Aö gawhê sa têt lau hon dom, magoc gawhê sa têt lau sêkên whiñ-nga si lau bata. Aö gatec bu lau sêpu gwelen nan gakôm, me sêsôm bu aö gakôm ñambwa, ma tu dinan-nga dec gawhê daun sa têt ñac lau dau. ³ Ñac sênğyalê bu Taitus nan

whiņ aö têņ têm dinan, in űgac Grik-űga. Magoc sêkac yac bu asê in ndê űamlic űatô êņkuc lau Israel-űga si pwac nan dom.

⁴ Yom hon dinan hóc asê, űahu bu lau űatô sêņsau bu sêti yac mba asidôwai ma sêmen sêmbo sêwhiņ yac bu sêtip lêņ ti sakiņ nan yac andôhôn têņ lau gameņ apa-űga. Yisu Kilisi kêgapwêc yac su yêc sakiņ yomsu-űga, magoc űac lau tasan dinan sêkôm bu sêkac yac kwi ma ankc lêņ yomsu-űga tiyham atôm lau akiņ űambwa. ⁵ Tigeņ yac alhac űanġa ma asóc űac űapu dan dom, űahu bu yac atac whiņ bu mac lau Galesia-űga anġalê yom űandô pi űawaê űayham, ma asap dôn űapan.

⁶ Aö kayalê bu Anötö toc űamalac dan sa hóc gêlêc dan su dom. Tu dinan-űga dec gahêgo dauņ dom têņ ndoc nan gawhê dauņ sa têņ lau nan gôlôwac dabuņ Jerusalem-űga sêtoc sa sêti űac si lau bata. Ma űac sêsôm yom dan bu sêmatóc űawaê űayham nan gam yêc lau apa si gameņ, nan dom. ⁷ Mba! űac sêlic bu Anötö kêņ űawaê űayham sip aö aman bu wahoc asê têņ lau nan lau Israel dom, tôm in kêņ sip Pita amba bu hoc asê têņ lau Israel-űga. ⁸ Bu Anötö kêņ űaclai têņ Pita ma kêyalin in sa ti lau Israel-űga si aposel, ma kêņ űaclai têņ aö bocdinan, ma kêyalin aö sa gati lau gameņ apa-űga si aposel. ⁹ Lau sêkêņ whiņ-űga yêc Jerusalem sêtoc Jems, Pita ma Jon sa sêti űac si űagôlôn. Ma têņ ndoc lau tó dinan sêlic bu aö gatap Anötö ndê mwasiņ sa su, dec sêkam alu Banabas tu bu sêtóc asê bu űac sêkóc alu ti alu mba yom sa. Ma űac si űalôm pitigeņ bu yac akôm gwelen űawaê

ņayham-ņga awhiņ lau gameņ apa-ņga, ma ņac sêkôm sêwhiņ lau Israel-ņga. ¹⁰ Ȋac sêndac gêņ tigeņ, naņ bu yac gauc nem ņac si lau naņ sêpônda dau. Ma gêņ dau aô gauc gêm tidôņ su bu wakôm.

Pol sôm Pita yêc malac Antiok

¹¹ Tiņambu aô gambo malac Antiok, ma Pita meņ mbo malac dau whiņ. Magoc malô aô galic yêc awê bu iņ kôm gêņ daņ, naņ so yom ņandô ņawaê ņayham-ņga. Ma tu dinaņ-ņga dec aô gasôm yom sêmbalaņ-ņga solop têņ iņ. ¹² Bu têņ ndoc iņ hôt asê Antiok tiwakuc, naņ iņ kôm mêtê solop. Iņ ndôc ti gêņ gêņ whiņ lau sêkêņ whiņ-ņga naņ lau Israel dom, dec tôt asê bu iņ hêgo dau tu Moses ndê yomsu-ņga dom. Magoc tiņambu lau Israel-ņga ņatô naņ sem gwelen sêwhiņ Jems, naņ sêhôt asê malac Antiok. Pita kêyalê bu ņac sêsap Moses ndê yomsu dôn ma ņac bu sêkac lau gameņ apa-ņga bu sêņkuc lau Israel-ņga si ȋpwac sêsê laungac ņamlic ņatô su-ņga. Tu dinaņ-ņga dec iņ tôt dau ma kêdahiņ dau su yêc lau naņ lau Israel dom. Iņ ndê lêņ dau iņ lêņ giso. ¹³ Ma lau sêkêņ whiņ-ņga Israel-ņga ņatô naņ sêmbo malac Antiok, naņ sêņkuc iņ ma sêsa lêņ tasaņ dinaņ sêwhiņ, e lêņ dau hê Banabas kwi whiņ. ¹⁴ Têņ ndoc aô galic bu ņac si mêtê dau so yom ņandô ņawaê ņayham-ņga, dec gasôm yom têņ Pita yêc ņac hoņ aņgô-ņga bocdec bu, “Am ņgac Israel-ņga, magoc têņ ndoc am mweņ hôt asê malac Antiok, naņ am mbo whiņ lau naņ lau Israel dom, ma hêgo daôm tu Israel-ņga si yomsu-ņga dom. Magoc malô

am kac nem ñalôm kwi ma kôm gitôm am gêlic Moses ndê yomsu gitôm gêñ atu, ma hu lau dau siñ ma mbo ahê ñac. Bocke? Kwahic dec am bu kac lau gameñ apa-ña bu sêsôc lau Israel-ña si ñagôlin ñapu, a?”

Lêñ tigen yêc bu dati lau gitên, nañ dakên whin

¹⁵ Ma aö gasôm tên Pita, “Yac lau Israel-ña êlêmê dasam lau gameñ apa-ña bu lau sac, bu ñac sênkuc Moses ndê yomsu dom. Magoc hêclu neñ ñahu yêc lau gameñ apa-ña dom. Mba. Dinañi sêkôc hêclu dambo lau Israel-ña nañ dakôc Moses ndê yomsu, nañ ñalôm. ¹⁶ Magoc yac tanyalê su bu ñamalac dañ oc ti ñamalac gitên yêc Anötö angó-ña tu in kékuc lêñ yomsu-ña dom. Mba, oc tôm dom. Magoc tu ñamalac dañ kêñ whin Yisu Kilisi-ña, dec Anötö gêlic in bu ñamalac gitên. Señ tigen dinañ gic lau hoñ ñawaê, yac lau Israel-ña, ma lau gameñ apa-ña boc-dinañ. Tanñkuc lêñ dakên whin Yisu Kilisi-ña tu bu dati lau gitên tu lêñ dinañ-ña, ma tu tanñkuc lêñ yomsu-ña lec dom.”

¹⁷ Kwahic dec yac tanñkuc lêñ dakên whin Kilisi-ña tu bu dati lau gitên-ña. Mboe lau ñatô oc sêsam yac bu lau sac tu yac tanñkuc lêñ yomsu-ña tiyham dom. Magoc yac oc dasôm sake? Lêñ dakên whin Kilisi-ña kêñ ñasawa tên yac tu dakôm sac-ña, a? Aö wasôm, mba andô! ¹⁸ Muñ-ña aö kasahê bu wati ñgac gitên tu kakuc yomsu-ña, magoc kwahic dec gahu lêñ dau siñ su. Aö bu wambu wandi wasôc yomsu ñapu tiyham, dec oc tôc gêñ tigen asê tên aö, nañ bu aö ñgac kagilì yomsu-ña. ¹⁹ Bu

sakiŋ yomsu-ŋga tōc asê tēŋ aō bu gawêkaiŋ seŋ wambac ndu-ŋga, ma bocdinaŋ dec aō taŋkwê lēŋ yomsu-ŋga bu nem aō sa tiyham lec dom. Yomandō. Aō gahu lēŋ yomsu-ŋga siŋ, tu bu wanem akiŋ Anötö tōm aneŋ bêc hoŋ wambo taŋli-ŋga. Anötö dau piŋ aō dôŋ gam damiŋ Kilisi gitôm gambac ndu pi a gicso dau gawhiŋ iŋ. ²⁰ Ma kwahic dec aneŋ ŋahu gambo taŋli-ŋga sip aō dauŋ dom, magoc gambo taŋli tu Kilisi naŋ tisa mbo tali tiyham ma mbo aneŋ ŋalôm naŋ-ŋga. Ma tōm bêc hoŋ naŋ wambo taŋli wambo nom lec, naŋ wasa lēŋ tigeŋ bocdec bu, wakēŋ whiŋ Anötö Atu naŋ tac whiŋ aō ma kēŋ dau tu aō-ŋga. ²¹ Aō galic Anötö ndê mwasiŋ gitôm gēŋ ŋambwa dom. Mba. Ŋahu bu ŋamalac daŋ gitôm dom bu ti ŋamalac gitēŋ tu iŋ kêkuc yomsu-ŋga. Bu bocdinaŋ, dec Kilisi ndê mbac ndu naŋ oc ŋahu mbasi.

3

Lēŋ yomsu-ŋga ma lēŋ dakēŋ whiŋ-ŋga

¹ O mac lau Galesia-ŋga, mac lau gauc mba. Yac awê yom hoŋ pi Yisu Kilisi sa yêc awê tēŋ mac, e tōm mac daôm tanôm alic iŋ mbac ndu pi a gicso dau. Magoc asa dec meŋ ma kēŋsōŋ mac nem gauc? ² Aō bu wakēŋ gēndac tēŋ mac pi yom tigeŋ bocdec bu, mac aŋkuc yomsu dec Anötö kēŋ Ŋalau Dabuŋ tēŋ mac, me mac akēŋ whiŋ ŋawaê ŋayham pi Kilisi, naŋ mac aŋgō su, dec iŋ kēŋ Ŋalau tēŋ mac? ³⁻⁴ Bocke ma kwahic dec mac nem gauc tisac? Tēŋ ndoc mac akēŋ whiŋ tiwakuc, naŋ mac asa nem lēŋ ti Ŋalau

Dabuŋ ndê ɲaclai, ma ahu lêŋ yomsu-ɲga siŋ. Tu dinaŋ-ɲga lau naŋ sêsap yomsu dôŋ, naŋ sêkêŋ kisa mac. Tu sake-ɲga kwahic dec mac bu ambu asôc yomsu ɲapu tiyham, ma gauc gêm bu Anötö oc kôc mac sa tu gêŋ naŋ mac daôm akôm tu aŋkuc yomsu-ɲga. Mac bu akôm bocdinaŋ, dec kisa atu naŋ mac ahôc têtŋ ɲamata-ɲga, naŋ ɲahu mbasi. ⁵ Anğô! Anötö kêtŋ ndê ɲalau Dabuŋ têtŋ mac ma kôm gêŋ dalô daêsam yêc mac aŋôm-ɲga. In kôm gêŋ dau tu mac aŋkuc yomsu-ɲga, me tu mac akêtŋ whiŋ yom pi Kilisi, naŋ mac aŋğô su-ɲga?

⁶ Gauc nem Abraham. In kêtŋ whiŋ Anötö, ma tu dinaŋ-ɲga Anötö gêlic in bu ɲgac gitêŋ. ⁷ Bocdinaŋ aŋyalê bu lau hoŋ naŋ sêŋkuc lêtŋ sêkêŋ whiŋ-ɲga, naŋ Anötö gêlic ɲac sêtôm Abraham ndê lau wakuc. ⁸ Yom naŋ sêto yêc, naŋ tôc asê gwanaŋ bu Anötö oc lic lau naŋ lau Israel dom, naŋ bu lau gitêŋ, tu ɲac si sêkêŋ whiŋ-ɲga. Anötö sôm ɲawaê ɲayham dau asê têtŋ Abraham gwanaŋ su bocdec bu:

Lau nom-ɲga hoŋ oc sêtap aneŋ mbec ɲamwasiŋ sa yêc am. *[Gen 12:3]*

⁹ Abraham kêtŋ whiŋ, dec tap Anötö ndê mbec ɲamwasiŋ sa. Ma bocdinaŋ lau hoŋ naŋ sêkêŋ whiŋ, naŋ oc sêtap mbec dau ɲamwasiŋ sa sêwhiŋ Abraham. ¹⁰ Magoc lau hoŋ naŋ gauc gêm bu ɲac oc sêti lau gitêŋ tu sêŋkuc yomsu-ɲga, naŋ oc sêtap Anötö ndê tac ɲandê sa, tôm yom daŋ naŋ sêto yêc, naŋ sôm bocdec bu:

Asa naŋ kêkuc yomsu hoŋ naŋ sêto sip buku yomsu-ɲga, naŋ ɲapep ma timala dom, naŋ

oc tap Anötö ndê tac ñandê sa. *[Diut 27:26]*

¹¹ Ma yom ñañ tiyham sêto yêc bocdec bu:

Lau gitêñ oc sêndöc tali tu ñac si sêkêñ whiñ-
 ñga. *[Hab 2:4]*

Yom dau tôc asê tiawê bu ñamalac ñañ oc ti ñamalac gitêñ yêc Anötö aᅅgô-ñga tu iñ kêkuc yomsu-ñga dom. ¹² Lêñ yomsu-ñga sôm bu ñamalac ñañ tôm bu sa ndê lêñ êñkuc yomsu hoñ ñapep eñ, ñañ oc ndöc tali. Magoc lêñ yomsu-ñga dinañ so lêñ dakêñ whiñ-ñga. ¹³ Asa ñañ takwê lêñ yomsu-ñga bu nem iñ sa, ñañ gic waê bu tap Anötö ndê atac ñandê sa. Magoc Kilisi kêgaho yac su yêc lêñ datap atac ñandê dinañ sa-ñga. Iñ dau hôc Anötö ndê atac ñandê tu yac-ñga, tôm yom ñañ sêto pi lau sac, ñañ yêc bocdec bu:

Lau hoñ ñañ sêkêñ ñac sêñgalêñ a, ñañ dalic ñac gitôm lau ñañ sêtap Anötö ndê tac ñandê sa. *[Diut 21:23]*

¹⁴ Yisu Kilisi hôc ñandê dinañ tu bu lau ñañ lau Israel dom, ñañ dec oc sêtap Abraham ndê mbec ñamwasin sa sêwhiñ lau Israel-ñga. Ma yac hoñ oc dakôc Ñalau Dabuñ, ñañ Anötö gic bata su, ñañ sa tu yac neñ dakêñ whiñ Yisu-ñga.

Pwac yomsu-ñga, ma pwac mwasin-ñga

¹⁵ O asidôwai, wanem dôhôn pi ñamalac si lêñ bu wawhê gêñ dau sa. Pwac ñañ ñamalac lu sêmatiñ tidôn su, ñañ oc tôm dom bu ñgac ñañ ndic têku, me señ su. Ma Anötö ndê pwac bocdinañ. ¹⁶ Iñ gic bata yom têñ Abraham ma sôm bocdec bu, *"Aö oc wanem mbec am ti nem*

wakuc.” Yom nan in sôm pi Abraham ndê wakuc, nan hêganôn lau daêsam dom, magoc hêganôn Abraham ndê ngac wakuc tigen, nan Kilisi dau. ¹⁷ Aö wasôm tên mac bu Anötö gic bata yom dau tên Abraham mun su, ma tinambu yala 430 ginga su, dec in kên ndê yomsu tên lau Israel-nga. Magoc yomsu dau sen pwac mwasi-nga nan Anötö kêmatin whin Abraham, nan su dom. ¹⁸ Lau bu sêtap Anötö ndê mwasi sa tu sênkuc yomsu-nga, nan dec lên dau kêkuc yom nan Anötö gic bata tên Abraham, nan dom. Magoc bocdina dom. Bu Anötö gic bata yom tên Abraham ma sôm bu êmwasi in nambwa.

¹⁹ Bocdina Anötö kên yomsu nahu bocke? In kên tu bu tôc namalac si sac asê-nga, bu lhac e Abraham ndê wakuc nan Anötö gic bata yom pi in, nan hoc asê. Ma gên dan tiyham. Anela sêkôc Anötö ndê yomsu ma sêkên tên ngac nalhu-nga dan, nan Moses. ²⁰ Ngac nalhu-nga dau kôm gwelen mbo Anötö ma lau Israel-nga nalhu ma kôc yomsu. Magoc pwac mwasi-nga nan Anötö kêmatin whin Abraham, nan in dau kên solop tên in, ma ngac nalhu-nga mbasi.

*Yomsu oc tôc yac nen sac asê, ma wê yac datên
Kilisi dandi*

²¹ Bocdina wandac mac bocdec bu, yomsu sen mwasi nan Anötö gic bata tidôn bu kên tên Abraham nan su, me? Wasôm tên mac bu mba andô. Yac bu datôm bu datap sen dandôc tanli-nga sa yêc yomsu, dec yomsu dau oc ti yac nen sen dati lau gitên-nga. ²² Magoc oc tôm dom. Anötö ndê yom nan sêto yêc, nan whê sa bu lau

nom-nga hoŋ sêndöc gapocwalô sac-nga. Nalêŋ dinaŋ mwasiŋ naŋ Anötö gic bata, naŋ hêganôn lêŋ dakêŋ whiŋ-nga, ma datap mwasiŋ dau sa tu dakêŋ whiŋ Yisu Kilisi-nga.

²³ Muŋ-nga, lêŋ dakêŋ whiŋ-nga dinaŋ meŋ sa tiawê su dom. Têŋ têm dinaŋ yac dambo datôm lau gapocwalô-nga naŋ yomsu sô yac dôn, bu dambo bocdinaŋ e Anötö tôc lêŋ dakêŋ whiŋ-nga asê tiawê. ²⁴ Anötö kêŋ yomsu bu nem gôliŋ yac ma tôc yac neŋ sac asê, goc wê yac datêŋ Kilisi dandi, bu datap lêŋ dati lau gitêŋ-nga sa tu yac neŋ dakêŋ whiŋ iŋ-nga. ²⁵ Ma kwahic dec lêŋ dakêŋ whiŋ-nga meŋ sa su, dec dambo yomsu ŋapu tiyham dom.

Dati Anötö atuwêi ti ŋac

²⁶ Mac hoŋ ati Anötö ndê balêkoc tu mac nem akêŋ whiŋ Yisu Kilisi-nga. ²⁷ Bu mac hoŋ naŋ aliŋ busaŋgu, naŋ gêŋ dau piŋ mac dôn am damiŋ Kilisi, tôm mac asôc iŋ ti nem ŋakwê. ²⁸ Ma Anötö kôc mac sa kêkuc mac nem ŋahu nom-nga dom. Mba. Mac bu lau Israel-nga, me lau apa, lau akiŋ ŋambwa me lau naŋ dau sêmbô si gêŋ, lauwhê me laungac, tigenŋ anyalê bu Anötö kôc yac hoŋ sa tu yac neŋ dakêŋ whiŋ Yisu Kilisi-nga, naŋ piŋ yac hoŋ dôn dapitigen. ²⁹ Ma mac lau asa naŋ ati Kilisi ndê, naŋ ati Abraham ndê lau wakuc bocdinaŋ, ma awêkainŋ mwasiŋ naŋ Anötö gic bata têŋ Abraham.

4

¹ Aö wawhê gêŋ dau sa têŋ mac bocdec bu. Balê naŋ damba gic bata bu kêŋ ndê wapa

lênsêm têt in, naŋ oc wêkaiŋ gêt dau yomandô. Magoc damba bu mbac ndu têt ndoc in mbo balê, dec in oc kôc wapa dau sep dom, ma in oc mbo gitôm damba ndê ngac akiŋ nambwa daŋ. ² Ma lau ŋatô oc sêyob in ti ndê wapa lênsêm e in ndê yala gitôm naŋ damba sôm tidôŋ gwanaiŋ su. ³ Ma yac bocdinaŋ. Muŋ-ŋga yac dakêt whiŋ su dom, naŋ dambo datôm balêkoc saun, ma datôm lau akiŋ nambwa naŋ dambo yomsu ti ŋagôliŋ nom-ŋga ŋapu. ⁴ Magoc têt ndoc naŋ Anötô sôm gwanaiŋ su, naŋ meŋ sa, goc in kêt ndê Atuŋgac meŋ mbo nom. In dinda kôc in ti ŋamalac nom-ŋga naŋ mbo yomsu ŋapu, ⁵ bu êŋgapwêc yac lau naŋ dambo yomsu ŋapu, naŋ su, ma yac dati Anötô ndê balêkoc. ⁶ Ma Anötô kêt ndê Atu ndê Nalau sip yac hoŋ neŋ ŋalôm, dec têt asê bu mac lau gameŋ apa-ŋga ati Anötô ndê balêkoc awhiŋ yac lau Israel-ŋga. Ma Nalau dau gêm yac sa dec data Anötô ti atac pa su, ma dasam in bu, “Damaŋ, Damaŋ.” ⁷ Bocdinaŋ kwahic dec yac lau akiŋ tiyham dom, magoc yac Anötô ndê balêkoc solop. Ma yac dati Anötô ndê balêkoc, dec dawêkaiŋ gêt lênsêm naŋ gic waê in ndê balêkoc.

Pol ŋalôm ŋawapac tu lau Galesia-ŋga

⁸ Muŋ-ŋga mac am gauc Anötô, ma am akiŋ gêt nom-ŋga nambwa naŋ Anötô ŋandô dom. ⁹ Magoc kwahic dec mac aŋyalê Anötô, ma gêt atu daŋ whiŋ bocdec bu, Anötô dau kêyalê mac su. Ma bocke dec mac bu akac daôm kwi, ma ambu andi asôc yomsu ŋapu, dec ambo atôm lau

akiñ tiyham? Bu yomsu hon, nañ ñagôlin ñom-
 nga ñambwa nañ ña-ñaclai ti ñandô mbasi.
¹⁰ Tu sake-nga mac bu ankcuc ñagôlin ñambwa
 nañ hêganôn bêc ti ayô, ma yala ti têm ñatô?
¹¹ Aô gatôc dauñ tu mac-nga bu mboe gwelen
 nañ aô gakôm têt mac, nañ oc ñandô mbasi. ¹² O
 asidôwai. Muñ-nga mac lau apa ambo yomsu
 ñapu dom, ma aô gahu lêt yomsu-nga siñ tu
 bu wambo watôm mac. Magoc kwahic dec lau
 ñatô sêñsau mac, dec mac ambo atôm lau akiñ
 tiyham tu yomsu-nga. Bocdinañ dec water mac
 bu ahu lêt dinañ siñ ma ambo atôm aô. Ma alic
 aô ñayham tôm muñ-nga nañ aô gambo gawhiñ
 mac, nañ mac akôm aô sac dom. ¹³ Têt têm dinañ
 gêmbac kôm aô, dec gambo teñ gawhiñ mac, ma
 gahoc ñawaê ñayham asê têt mac. Mac anyalê
 gêt dau su. ¹⁴ Aneñ gêmbac dau kêt ñawapac
 têt mac bu ayob aô, magoc mac apu aô me alic
 aô sac dom. Mba. Mac akôc aô sa gitôm Anötö
 ndê añela dan, me tôm mac akôc Yisu Kilisi dau
 sa. ¹⁵ Têt ndoc dinañ mac atac whiñ bu anem aô
 sa êñlêc, e tôm mac bu akip nem tanôm ñakôp
 sa ma akêt têt aô. Yomandô. Magoc kwahic
 dec mac nem atac ñayham tu aô-nga giñga su.
¹⁶ Bocke? Tu aô gasôm yom ñandô asê têt mac-
 nga, dec kwahic mac alic aô tôm nem ñacyo, a?

¹⁷ Ñac lau tasan dinañ sêkôm ñañga bu sêkac
 mac kwi asôc yomsu ñapu tiyham. Magoc sêkôm
 tu mac atap ñandô ñayham dan sa-nga dom.
 Ñac atac whiñ bu mac ahu aô siñ ma akêt
 daôm sambuc tu ankcuc ñac-nga. ¹⁸ In lêt
 ñayham bu mac akêt daôm sambuc tu bu akôm

gêñ nan̄ ñahu ñayham yêc. Ma aö bu wambo wawhiñ mac, me aö bu wambo dom, magoc akôm bocdinañ ñapañ.

¹⁹ O aneñ balêkoc awhê ma ñgac. Kwahic dec aö kasahê ñandê atu tiyham tu mac-ñga, gitôm awhê nan̄ balêkoc tuñ iñ. Ñahu bu aö tac whiñ ndu andô bu Kilisi ndê yom tidôn̄ yêc mac nem ñalôm, e andi atôm iñ dau. ²⁰ Aö neñ ñalôm ñawapac atu tu mac-ñga, ma señ dañ bu hóc pi aö, dec aö atac whiñ kêlêc bu wambo wawhiñ mac, ma wasôm yom ñayham-ñayham têtñ mac, ô yom ñaŋga nan̄ kwahic dec gato têtñ mac.

Sara lu Haga sêti ñadôhôn̄

²¹ Mac lau nan̄ atac whiñ bu ambo yomsu ñapu, aö bu wandac mac bocdec bu. Mac aňyalê señ nan̄ yomsu bu wê mac atêtñ andi, me mba?

²² Gauc nem yom nan̄ sêto yêc pi balêkoc ñgac lu nan̄ Abraham kwê asê. Balê dañ dinda Haga iñ awhê akiñ ñambwa, ma balê dañ dinda Sara iñ awhê akiñ dom, iñ Abraham nawhê solop.

²³ Haga kôc balêkoc kêkuc ñamalac nom-ñga si lêtñ ñambwa. Magoc Sara kôc balêkoc kêkuc yom nan̄ Anötö gic bata têtñ Abraham. ²⁴⁻²⁵ Gêñ dau iñ gitôm yom gôliñ dañ, bu awhê lu dinañ sêti pwac lu ñadôhôn̄. Haga ti dôhôn̄ pwac akwa yomsu-ñga nan̄ Anötö kêmatiñ yêc Lóc †Sainai yêc gameñ Arabia-ñga. Ma balêkoc pwac dinañ-ñga sêti lau akiñ ñambwa tôm Haga. Ma Haga ti dôhôn̄ malac Jerusalem têtñ dindec-ñga, bu malac dau ti ndê lau sêmbo sêtôm lau akiñ ñambwa bocdinañ. ²⁶ Magoc Sara ti dôhôn̄ malac Jerusalem wakuc nan̄ yêc undambê, ma

in̄ gitôm yac neŋ dinaŋ ɲandô naŋ awhê akiŋ ɲambwa dom. ²⁷ Bu sêto yom dan̄ yêc bocdec bu:

Am awhê gapoc naŋ kôc balêkoc dom, atac ɲayham sa. Am naŋ kêsahê balêkoc tuŋ am dom, naŋ mbwêc ti atac ɲayham. Bu kwahic dec am mbo gitôm awhê naŋ balêkoc mba, magoc tiŋambu am oc tap nem balêkoc sa hôc gêlêc awhê naŋ gêm ɲgac sa, naŋ su.*
[Ais 54:1]

²⁸ Aneŋ asidôwai. Tu Kilisi-ɲga dec mac ati balêkoc pwac mwasin̄-ɲga gitôm Aisak, balêkoc naŋ hôc asê kêkuc yom naŋ Anötö gic bata têŋ Abraham. ²⁹ Muŋ-ɲga Ismael, balêkoc naŋ hôc asê kêkuc ɲamalac si lêŋ, naŋ kêŋ kisa Aisak, naŋ hôc asê ɲa ɲalau Dabuŋ ndê ɲaclai. Ma kwahic dec mac aŋsahê kisa ɲalêŋ kaiŋ tigeŋ yêc lau naŋ sêsap lêŋ yomsu-ɲga dôŋ. ³⁰ Magoc gauc nem yom naŋ sêto yêc bocdec bu:

Kêŋ awhê akiŋ lu in̄ atuŋgac sêlhö sêndi, bu awhê akiŋ ndê balê dau oc wêkaiŋ wapa lêŋsêm ɲatô whiŋ ɲadauwê ndê atuŋgac dom.
[Gen 21:10]

* **4:27** Aisaya to yom dau pi malac Jerusalem têŋ ndoc ɲacyo sêŋgaho lau Israel-ɲga su ma sêkôc ɲac sa si sêndöc gameŋ Babilon-ɲga gitôm lau gapocwalô-ɲga. Aisaya gêlic bu malac dau tigasana, dec gêm dôhôn pi awhê gapoc. Pol kôc Aisaya ndê yom ma to sip in̄ ndê bapia têŋ lau Galesia-ɲga bu whê yom naŋ in̄ to pi malac Jerusalem lu, naŋ sa. Yom pi awhê naŋ gêm ɲgac sa su, naŋ hêganôn lau Israel-ɲga ma malac Jerusalem akwa. Ma yom pi awhê gapoc naŋ oc tap balêkoc daêsam sa, naŋ hêganôn lau sêkêŋ whiŋ Yisu-ɲga naŋ oc sêndöc malac Jerusalem wakuc.

³¹ Bocdinaŋ asidôwai, akôc gauc ŋaŋga bocdec bu. Yac awhê akiŋ Haga ndê balêkoc dom, magoc yac ŋadauwê Sara ndê balêkoc solop.

5

Dasap lêŋ dakêŋ whiŋ-ŋga dôŋ, bu Kilisi kêgapwêc yac su yêc lêŋ yomsu-ŋga

¹ Kilisi kêgapwêc yac su dec dambo datôm lau akiŋ ŋambwa tiyham dom. Bocdinaŋ alhac ŋaŋga, ma ayob daôm bu wapac lêŋ yomsu-ŋga êŋgwiniŋ mac e ati lau akiŋ tiyham dom. ² Aö Pol wasôm têŋ mac bu asa naŋ gauc gêm bu ti ŋgac gitêŋ tu iŋ kêkuc yomsu sêsê launŋac ŋamlic ŋatô su-ŋga, naŋ Kilisi gitôm dom bu oc nem iŋ sa. ³ Aö wasôm tiyham têŋ mac, bu asa naŋ sôc yomsu tigenŋ dinaŋ ŋapu, naŋ êŋkuc yomsu hoŋ bocdinaŋ ndic ŋawaê. ⁴ Mac lau naŋ gauc gêm bu ati lau gitêŋ tu aŋkuc yomsu-ŋga, naŋ akac daôm su yêc Kilisi ma yêc Anötö ndê mwasinŋ. ⁵ Ŋahu bu Anötö gêlic yac tôm lau gitêŋ tu yac neŋ dakêŋ whiŋ-ŋga. Ma Ŋalau Dabuŋ puc yac dôŋ bu dahôŋ ti dakêŋ batanŋ gêŋ dau ŋa-ŋandô. ⁶ Bu yac lau naŋ dati Yisu Kilisi ndê, naŋ taŋyalê bu lêŋ yomsu-ŋga daŋ oc nem yac sa ŋandô dom. Ŋac bu sêsê yac ŋamlic ŋatô su, me sêsê yac dom, naŋ dalic tôm gêŋ ŋambwa. Gêŋ tigenŋ yac dalic bu gêŋ atu, naŋ dakêŋ whiŋ Kilisi. Ma yac neŋ mêtê atac whiŋ neŋ asidôwai-ŋga tôc yac neŋ dakêŋ whiŋ asê.

⁷ Muŋ-ŋga lê, mac asa nem lêŋ akêŋ whiŋ-ŋga ŋapep eŋ, atôm lau naŋ sênti ŋaŋga. Tigenŋ asa kalhac mac ahuc e ahu yom ŋandô siŋ? ⁸ Lau

nañ sêlhac mac ahuc, nañ sêmenj akêñ Anötö nañ kêgalêm mac sa, nañ ndê dom. ⁹ Ayob daôm ñapep têtj lau kainj dinañ, bu yom nañ ñac sêndôhônj, nañ gitôm yist nañ sêkêñ sip bolom ñalôm ma kôm gwelenj malô-malô e gêm bolom sambuc ahuc. ¹⁰ Tu Kilisi piñ yac hoñ dôñ-ñga, dec gakêñ whiñ bu mac oc akôc aneñ yom dindec sa, ma atec yom bambaliñ hoñ. Ma asa nañ bu lhac mac ahuc ma êñsônj mac nem gauc, nañ oc tap iñ ndê gwelenj dau ñagêyô sa.

¹¹ O asidôwai, lau ñatô sêñgôlinj yom pi aö ma sêsôm bu aö gam mêtê ma gapuc yomsu sêsê ñamlic ñatô su-ñga dôñ. Anğô su nañ. Aö bu wapuc yomsu dau dôñ, dec tu sake-ñga lau Israel-ñga nañ sêsap yomsu dôñ, nañ sêkêñ kisa aö? Ma aö bu wapuc yomsu dau dôñ, dec yom nañ yac ahoc asê pi Yisu ndê mbac ndu pi a gicso dau, nañ dec oc wakôm nditôm yom ñambwa. Yom pi Yisu ndê mbac ndu, nañ gitôm hoc nañ lau Israel-ñga daêsam sêtiñ gahi pi-ñga.

¹² Oc ñayham bu lau nañ sêñgilí mac bu añkuc yomsu sêsê ñamlic ñatô su-ñga, nañ sêtim dandi ñamlic sambuc kic-kic.

¹³ O aneñ asidôwai. Anötö kêgalêm mac sa bu ambo atôm lau akiñ yomsu-ñga dom. Tigenj iñ ndê galem dinañ kêtj ñasawa têtj mac bu akôm sac tôm ñalôm akwa kêgilí mac dom. Mba! Anem akiñ asidôwai ti añkuc mêtê atac whiñ-ñga. ¹⁴ Bu yomsu hoñ sôc yomsu tigenj ñapu, nañ yêc bocdec bu, “*Am atac whiñ lau menpañ am, gitôm am atac whiñ daôm.*” ¹⁵ Magoc mac bu alic daôm sac-sac me awêhê daôm kôc-kôc, dec lêtj dinañ gitôm bu oc señ mac su andiñam.

Lêñ nom-nga, ma Nalau Dabuñ ndê lêñ

¹⁶ Bocdinañ wasôm têñ mac bu asa nem lêñ tòm Nalau Dabuñ gêm gôliñ mac, dec oc tòm dom bu akôm mêtê ñalôm akwa-nga ñandô sa. ¹⁷ Bu mêtê nañ mac nem ñalôm akwa bu êñgili mac bu akôm, ma mêtê nañ Nalau tac whiñ bu mac akôm, nañ sêtôm dau dom. Nahu bu mac nem ñalôm akwa ma Nalau Dabuñ sic siñ têñ dandi, tu bu sênem gôliñ mac-nga. Tu dinañ-nga dec mac atôm dom bu akôm tòm mac daôm atac whiñ. Mac oc añkuc ñalôm akwa ndê ñagôliñ, me Nalau Dabuñ oc nem gôliñ mac. ¹⁸ Magoc Nalau bu nem gôliñ mac, dec mac ambo yomsu ñapu tiyham dom.

¹⁹ Lau nañ ñalôm akwa gêm gôliñ ñac, nañ si mêtê sac-sac tôc dau yêc awê. Nac sêkôm mêtê mockaiñ-nga, mêtê ñadômbwi, ma mêtê atac ñagalac-nga. ²⁰ Nac sem akiñ anötö tasan, sêpec balô, sêkêñ kisa lau, sêñgili siñ, tagatu gêñ, ñac lau atac ñandê-nga, ma sêpo dau sa hôc gêlêc. Nac si lêñ kôm lau sêlic dau sac-sac e sêwhê dau kôc. ²¹ Nac sem lêmun lau ñatô si gêñ, ma êlê mê señ asam ti sênôm gêñ êñiñ ñac-nga, ma sêkôm mêtê sac tidau-tidau bocdinañ. Aô wakêñ puc mac, tòm gakêñ puc mac su, bu lau nañ sêsa lêñ kaiñ dinañ, nañ oc sêwêkaiñ si mala yêc Anötö ndê gameñ undambê-nga dom andô.

²² Magoc lau nañ Nalau Dabuñ gêm gôliñ ñac, nañ sêsa lêñ bocdec bu. Nac atac whiñ lau, sêmbo ti atac ñayham, ma sêsa si lêñ ti yom malô, sêkôc si ñalôm dôn pi lêñ agwa-agwa hon, ñac tawalô lau, sêkôm mêtê ñayham eñ, ma

gwelen bocke naŋ sêsôm bu sêkôm, naŋ sêkôm ñandô sa. ²³ Naç sêtoc dau sa dom, ma sêtimêê dau ñapep. Mêtê kaiŋ dinaŋ so yomsu daŋ dom. ²⁴ Ma yac lau naŋ dati Yisu Kilisi ndê, naŋ dahu mêtê atac ñagalac-nga ti mêtê sac hoŋ naŋ meŋ akêŋ ñalôm akwa, naŋ siŋ, tôm yac tac ñalôm akwa ndu pi a gicso dau gi. ²⁵ Yac oc dandöc taŋli tu Njalau Dabuŋ ndê gwelen-nga, dec dakêŋ Njalau ti göliŋ yac neŋ lêŋ hoŋ. ²⁶ Datoc dauŋ sa dom, ma danem lêmuŋ asidôwai ti dali ñac ñalôm sa dom.

6

Lêŋ ñayham ñatô

¹ O asidôwai, mac bu aŋyalê bu mac nem daŋ kôm sac, dec mac lau naŋ Njalau Dabuŋ gêm gwelen ñaŋga yêc nem ñalôm, naŋ aŋsahê bu anem iŋ sa. Akôm lêŋ malô eŋ têŋ iŋ, e iŋ nem dau kwi ma sa Pômdau ndê lêŋ tiyham. Magoc ayob daôm bu lêtôm tap mac sa whiŋ dom. ² Dahôc asidôwai si ñawapac dawhiŋ ñac, ma ñalêŋ dinaŋ yac oc dakôm Kilisi ndê yomsu atac whiŋ asidôwai-nga ñandô sa. ³ Bu asa naŋ toc dau sa bu iŋ ñamalac tiwaê hóc gêlêc ndê asidôwai su, naŋ kêsau dau. Iŋ ñamalac waêmbe. ⁴ Anem dôhôn daôm nem lêŋ pi asidôwai ñatô si lêŋ tu bu apo daôm sa-nga dom. Mba. Mac tigen-tigen akôm gwelen bocke naŋ Anötö kêŋ sip mac amam, naŋ ñapep eŋ, dec oc ti mac nem ñahu apo daôm sa-nga. ⁵ Bu Anötö

gic sam gwelen ti sakinj tidau-tidau têtj yac tigen-tigen bu dawêkainj, ma bocdinañ dakôc sa tôm ndi, ma dakôm ñapep.

⁶ Asa nañ bu ndöc ñamalac dañ ñapu tu êndôhôn Anötö ndê yom-ñga, nañ goc êmwasiñ iñ ndê kêdôhônwaga dau ña gêtj ñayham-ñayham ñatô ndic ñawaê.

Anötö oc kêtj ñagêyô têtj lau êñkuc ñac si mêtê têtj

⁷ Akôc gauc ñapep pi yom dindec. Mac atôm dom bu añsau Anötö ma asiñ gêtj dañ têtj iñ. Mba! Bu gêtj ñandô nañ datap sa yêc yac neñ ôm, nañ kêtj gêtj ñawhê nañ dasô muñ. ⁸ Am bu kôm mêtê êñkuc lêtj ñalôm akwa-ñga, nañ gitôm am sô gêtj ñawhê sac yêc ôm, ma am oc tap ñandô sac sa. Am oc niñam tu ñalôm akwa-ñga. Magoc am bu kôm mêtê êñkuc ñalau Dabuñ ndê atac whiñ, nañ gitôm am sô gêtj ñawhê ñayham. Ma am oc tap ñandô ñayham sa bocdec bu, ñalau dau oc kêtj am ndöc tamli ñapañ.

⁹ Yac dakôm mêtê ñayham dasiñ su, ma lic ñakam dom. Yac bu dahu siñ dom, dec oc datap ñandô ñayham sa tôm ñandoc. ¹⁰ Tu dinañ-ñga têtj hoñ nañ Anötö kêtj têtj yac, nañ dakôm mêtê ñayham têtj lau hoñ. Ma dakôm hêc gêtj têtj lau sêkêtj whiñ Kilisi-ñga.

Yac datiwakuc iñ gêtj atu

¹¹ Alic yom ñalhô atu-tu dindec nañ aö daun amanj gato têtj mac.

¹² Lau nañ sêkac mac bu asôc yomsu sêcê ñamlic-ñga ñapu, nañ sêkôm gêtj dau ñahu bu

sêtec bu sêtap kisa sa tu Kilisi ndê a gicso-nga. Nac atac whiņ bu lau Israel-nga naņ sêkêņ whiņ Kilisi dom, naņ sêlic nac ņayham. ¹³ Bu nac lau dau sêsôc yomsu sêsê ņamlic-nga ņapu su, magoc nac sêņkuc Anötö ndê yomsu ņatô hoņ dom. Nac sêkac mac bu aņkuc yomsu sêsê ņamlic-nga, tu bu sêtoc dau sa pi gêņ naņ sêkôm têņ mac nem ņamlic-nga ņambwa.

¹⁴ Magoc aö oc watoc daun sa pi gêņ tigen, naņ gêņ atu naņ Pômdau Yisu Kilisi kôm têņ ndoc iņ mbac ndu pi a gicso dau. Bu gêņ dau gêm aö sa bu wahu mêtê ti lêņ nom-nga hoņ siņ, tôm aö gac pi a gicso gi. Ma ņalêņ dinaņ tôm aö daun gambac ndu pi a gicso dau gawhiņ. ¹⁵ Mac lau naņ sêsê mac nem ņamlic ņatô su, ma mac lau naņ sêsê mac dom, aņyalê bu gêņ dau iņ gêņ ņambwa. Gêņ atu tigen bocdec yêc, naņ bu dati lau wakuc tu Yisu Kilisi-nga. ¹⁶ Pômdau ndê yom malô ti tawalô têņ mac hoņ naņ aņkuc ņagôliņ wakuc dindéc. Mac atôm Anötö ndê lau Israel-nga wakuc.

¹⁷ Aö gatec bu ņamalac daņ kêņ ņawapac têņ aö pi yom kain dindéc tiyham. Lau sic aö ma sêkêņ gôc daêsam têņ aö tu kakuc Yisu-nga, naņ whê aö sa bu iņ ndê ņgac akiņ.

¹⁸ O aneņ asidôwai. Mwasiņ akêņ yac neņ Pômdau Yisu Kilisi puc mac gatôm dôn. Yomandô.

Anötö ndê Yom Lêñsêm Wakuc
Bugawac: Anötö ndê Yom Lêñsêm Wakuc New
Testament

copyright © 2013 Lutheran Bible Translators Australia

Language: Bugawac

Contributor: Wycliffe Bible Translators, Inc.

All rights reserved.

2020-11-11

PDF generated using Haiola and XeLaTeX on 21 Feb 2024 from source
files dated 29 Jan 2022

1dcc5a6c-3c1e-54e8-aa77-af18a3782048